



AY KI DUSHI TA CARNAVAL 63



Carnaval 63 a conoce su dos Reinanan di Tumberito Infantil y Hubenil

Ariba diadomingo den un Entertainment Center yen di ambiente a corona Dos Reina di Festival di Tumberito. Despues di a gosa di presentacion di 11 participante den categoria infantil y 3 den categoria hubenil, sigur e tension a keda na ultimo momentonan pa sa kico e resultadonan lo bira.

Den categoria Infantil a keda eligi un vez mas e hobencita Sindy Loefstok como Reina di Festival di Tumberito 2017. Su cantica "Saluda Carnaval" sigur a haci un cos cu e publico.

E finalistanan ta: 5. Genevan Maduro cu "Carnaval ta Yama", 4. Jayvic Piar cu "Awa", 3. Xenon Daal cu "Ambiente di Coco", 2. Asia Libiee cu "Mi Tumba". Trahe Carnavalesco a bai pa Xenon Daal. Popular a bay pa Asia Libiee. Rookie of the year a bai pa Asia Libiee. Newcomer ta Ezahayra Arteaga y e premio Social Media a bay pa Jayvic Piar.

E categoria hubenil a conta cu tres hobencita, cu un caliber halto di Tumba. Tur tres a resona tremendamente. E suspenso tambe a reina pa loke ta e resultadonan. Na final a eligi un veterano di Festival di Tumberito, srta. Mary-Jane Vrolijk cu "Ban yene cu Color". Esaki por cierto ta Mary-Jane su ultimo participacion y sigur ta spera cu den futuro nos por mire den Aruba su Festival di Tumba tambe.

E finalistanan ta: 3. Eshlaine Panneflekk cu "Ban nos Para Pe", 2. Zhaisky Kock cu "Nos tur ta Ruman". Mester menciona cu cada un di e tres tumbanan aki a sona tremendo riba e escenario. Nos ta spera di sigui mira tur di nan den nos futuro festivalnan. Trahe Carnavalesco a bay pa Mary-Jane Vrolijk. Titulo Popular tambe a bay pa Mary-Jane Vrolijk y premio Social Media a ser gana pa Mary-Jane Vrolijk.



Continuacion di pagina 22

Relato Tumberito Infantil y Hubenil 2017



Durante momentonan di conteo di punto di parti di hurado, e publico presente a goza di un dushi presentacion di nos Rey di Tumba, Jerrino "Bass" Ridderstap cu Banda D'Liscious.

Nan a pone tur hende riba pia te hasta cantando y gozando cu tur e muchanan presente dilanti di stage.

Por mira atras riba un

Festival di Tumberito exitoso.

Pabien na tur participantenan pa nan bon presentacion y aporte na nos Carnaval. Un gradicimento na Comision di Tumberito, director musical Rodney van der Biezen hunto cu e All-Star Band cu a compaña tur e muchanan y hobennan y tambe na e publico presente pa e apoyo.